



Broj: 01-02.2-1025-1/25-EĆ
Datum: 24.02.2025. godine

Za: **PARLAMENT FEDERACIJE BIH
DOM NARODA - Sekretar**

Adresa: ul. Hamdije Kreševljakovića br. 3,
71000 Sarajevo

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno:			
Org. jed.	Broj	Priloga	Vrijednost
05/2	- 02 -	42	125

Predmet: ODGOVOR NA DELEGATSKO PITANJE,
veza Vaš akt broj: 05/2-02-42/25 od 04.02.2025.godine

JP Ceste Federacije BiH d.o.o zaprimilo je delegatsko pitanje delegata Emir Dautović koje je postavio na 15. sjednici Doma naroda Parlamenta Federacije Bosne i Hercegovine, a odnosi se na:

„Ko i na koji način odobrava održavanje cesta pod ingerencijom FBiH?, a vezano za čišćenje putnog pravca Petrovac – Bihać“.

Želimo vas informisati da je JP Ceste Federacije na osnovu provedene javne nabavke ugovorilo održavanje magistralnih cesta na području Unsko-sanskog kantona, odnosno na LOT-u 1, na kojem se nalazi i predmetna dionica magistralne ceste M-5 sa više izvođača, koji su osposobljeni i opremljeni za čišćenje i održavanje.

Zimsko održavanje magistralnih cesta Federacije BiH vrši se u skladu sa Zakonom o osnovama sigurnosti saobraćaja na putevima u Bosni i Hercegovini („Službeni glasnik BiH“ br. 6/06, br. 75/06, br. 44/07, br. 84/09 i br. 48/10), Zakonom o cestama Federacije BiH („Službene novine FBiH“ br. 12/10, 16/10 i 66/13), Pravilnikom o održavanju javnih cesta („Službene novine FBiH“ br. 57/15) i Pravilnikom o saobraćaju u zimskim uslovima („Službeni glasnik BiH“ broj 83/20).

Održavanje magistralnih cesta Federacije BiH se izvodi na osnovu Operativnog programa radova održavanja prohodnosti magistralnih cesta na području Federacije BiH za zimu 2024/2025, koji je sačinjen za prosječne vremenske uslove u zimskom periodu (sniježne padavine do 50 cm u toku 24 sata). Za obimnije padavine, veće sniježne nanose, smetove ili pojavu poledice predviđeno je da nadležni organ za unutrašnje poslove uz saglasnost nadležnog organa za promet privremeno zabrani ili ograniči promet za sva vozila ili pojedine kategorije vozila na određenoj cesti ili dijelu ceste. U slučaju vremenskih nepogoda kada planirana sredstva rada ne mogu obezbjediti efikasno uspostavljanje prohodnosti ceste izvođač radova angažuje dodatna sredstva rada i radne snage.

U skladu sa naprijed navedenim, a uzimajući u obzir činjenicu da je padao intezivan snijeg, sniježni nanosi i vjetar, želimo navesti da je na čišćenju magistralnog pravca Bihać – Bosanski Petrovac – Ključ i Bosanski Petrovac – Drvar, angažovana sva planirana i dodatna mehanizacija, kako bi se uspostavila prohodnost na magistralnim cestama.

Također želimo istaknuti da prilikom padanja snijega vrlo često na magistralnim cestama ima teretnih vozila (odnosno i drugih vozila) koja nemaju zimsku opremu, ili istu ne koriste, pa na cestama gdje su veće sniježne padavine blokiraju cestu čime onemogućavaju pravovremeno čišćenje kolovoza.

S poštovanjem,

Dostaviti:

- Naslovu
- A/a



Ljubo Pravdić, dipl.ing. građ.